

87. SJEDNICA
IZVRŠNOG ODBORA BOŠNJAČKOG NACIONALNOG VIJEĆA
Novi Pazar, Glavni ured Vijeća, 24.03.2012.godine; 11:00h

IZVOD IZ ZAPISNIKA

PRISUTNI: Esad Džudžević, Muratka Fetahović, Muhedin Fijuljanin, Mustafa Baltić, Redžep Škrijelj, Ervin Čatović i Admir Mušović

OPRAVDANO ODSUTNI: Ahmedin Škrijelj i Mevluda Melajac.

PREDSJEDAVAJUĆI: Esad Džudžević, predsjednik Izvršnog odbora

Prije prelaska na dnevni red Izvršni odbor jednoglasno je usvojio zapisnik sa 86. redovne sjednice Izvršnog odbora.

Nakon usvajanja zapisnika, jednoglasno je usvojen sljedeći

DNEVNI RED:

1. Utvrđivanje Akcionog plana za implementaciju Bošnjačke Rezolucije;
2. Prijedlog Kalendara svih dešavanja u BNV-u do 20.novembra – Dana Sandžaka 2012.godine;
3. Prijedlog plana i programa rada Izvršnog odbora Vijeća za 2012.godinu;
4. Pismo predsjednika Vijeća Kongresa bošnjačkih intelektualaca i usaglašavanje zajedničke Deklaracije o položaju i pravima Bošnjaka u Sandžaku/Srbiji i Crnoj Gori i odnosima sa Bosnom i Hercegovinom;
5. Utvrđivanje prijedloga himne Bošnjaka u Srbiji;
6. Zahtjevi pravnih i fizičkih lica;
7. Razno.

Predsjedavajući je obrazložio sve tačke dnevnog reda i otvorio diskusiju po svim tačkama, u diskusiji su učestvovali Esad Džudžević, Muhedin Fijuljanin, Muratka Fetahović, Redžep Škrijelj, Admir Mušović, Mustafa Baltić i Ervin Čatović.

Prva tačka dnevnog reda: Utvrđivanje Akcionog plana za implementaciju Bošnjačke Rezolucije;

- Zadužuje se Muhedin Fijuljanin, potpredsjednik Izvršnog odbora da sačini Akcioni plan za implementaciju Bošnjačke Rezolucije, do sljedeće sjednice Izvršnog odbora.

Druga tačka dnevnog reda: Prijedlog Kalendara svih dešavanja u BNV-u do 20.novembra – Dana Sandžaka 2012.godine;

Mustafa Baltić je iznio svoj prijedlog Kalendara i svi članovi Izvršnog odbora su se složili da:

- Mustafa za sljedeću sjednicu donese finalan prijedlog Kalendara, u štampanoj i elektronskoj formi.

Treća tačka dnevnog reda: Prijedlog plana i programa rada Izvršnog odbora Vijeća za 2012.godinu;

- Zadužuje se Muhedin Fijuljanin, potpredsjednik Izvršnog odbora da nakon što mu Alma Husić, šef Glavnog ureda dostavi prispjele prijedloge šefova resora u elektronskoj formi, on sačini kompletan Plan i program rada Izvršnog odbora Vijeća za 2012.godinu.

Četvrta tačka dnevnog reda: Pismo predsjednika Vijeća Kongresa bošnjačkih intelektualaca i usaglašavanje zajedničke Deklaracije o položaju i pravima Bošnjaka u Sandžaku/Srbiji i Crnoj Gori i odnosima sa Bosnom i Hercegovinom;

Nakon što su se svi članovi Izvršnog odbora upoznali sa tekstom pisma koje je stiglo od predsjednika VKBI, donijeli su odluku da u zajednički tekst Deklaracije o položaju i pravima Bošnjaka u Sandžaku/Srbiji i Crnoj Gori i odnosima sa Bosnom i Hercegovinom treba da se uvrste još dva stava o snažnom protivljenju pokušajima klerikalizacije Bošnjaka na Balkanu i drugi stav da se BNV energično protivi procesu rehabilitacije ratnog zločinca Draže Mihajlovića, takođe treba da se proformuliše stav VI postojećeg prijedloga zajedničke Deklaracije tako da, mora stajati da BNV podržava postojanje BANU, ali mora postojati svebošnjački konsenzus oko tog pitanja. Dakle, VKBI treba da je obaveza da u saradnji sa BNV u Srbiji i Bošnjačkim savjetom Crne Gore generira tokove i aktivnosti na oživljavanju BANU.

- Zadužuje se Esad Džudžević, predsjednik Vijeća da u zajednički tekst Deklaracije uvrsti sve današnje prijedloge, do sljedeće sjednice Izvršnog odbora.

Peta tačka dnevnog reda: Utvrđivanje prijedloga himne Bošnjaka u Srbiji

Bošnjačko nacionalno vijeće će formirati komisiju za utvrđivanje prijedloga himne Bošnjaka u Srbiji, na osnovu člana 10. stava 5. Zakona o nacionalnim savetima nacionalnih manjina (Sl.gl.RS.72/09). Imenuje se tročlana komisija u sastavu: Rifat Ramović, Mustafa Baltić, Faris Redžepagić.

Šesta tačka dnevnog reda: Zahtjevi pravnih i fizičkih lica;
Nije bilo zahtjeva pravnih i fizičkih lica.

Sedma tačka dnevnog reda: Razno.

- Da brošurica sa Bošnjačkom Rezolucijom bude trojezična (turski, engleski i bosanski);
- Da se Bošnjačka Rezolucija uradi i u formi svitka u formatu A3.
- Da se početkom sjednice održi press konferencija, da prisustvuju svi članovi Izvršnog odbora a tema da bude: „**Akциони plan implementacije Rezolucije o položaju i ostvarivanju prava i sloboda bošnjačkog naroda u Srbiji**“
- Da se predloži predsjednicima VKBI i Bošnjačkog savjeta Crne Gore sastanak u užem krugu, bez medija a radi usaglašavanja i preciziranja svih stavova zajedničke Deklaracije.

Sjednica je završena u 14:00h

U Novom Pazaru, 26.03.2012. godine

PREDSJEDAVAJUĆI
Esad Džudžević, predsjednik Vijeća